

երկրորդ քայլը կը լինի՝ բանակցութիւններ Թիւրքիայի հետ դաշնակցութիւն կնքելու մասին, և դուք հարկադրած կը լինէք քայլ առ քայլ անել այն, ինչ որ հրամայեն ձեզ Թիւրքերը... Դուք Թիւրք զօրքերի օգնութեամբ կերթաք նաճելու Բագուն և երբ Թիւրք զօրքերը անցնեն Անդրկովկասով, տեղի կուտենայ Անդրկովկասի գրաւումը Թիւրք-գերմանական միութեան կողմից: Եւ երբ Թիւրք-գերմանական զօրքերը դրաւեն ամբողջ Անդրկովկասը, գուցէ, ա՞յլ ժամանակ կարող կը լինէք խօսել յեղափոխութեան յաջթանակի մասին»...

Տօնական տրամադրութիւն ունէին միայն վրացի ազգայնականները, բայց, մանաւանդ, Թուրքերը: Ռասուլ-Չաղէն ցնծում էր: Մուսաւաթական Փրակցիան իրեն զգում էր նոր-փեսայի դերում: Ձէ՞ որ իրականանում էր իրենց նւիրական տենչը՝ մի քայլ դէպի Ռուսաստանի քայքայումը, մի քայլ դէպի «Թուրք ազգերի դաշնակցութիւնը»՝ Ղրիմից Վոլգա, Վոլգայից Թուրքեստան և Թուրքեստանից՝ Անատոլիա:

Իսկական սղի մէջ էին հայերը: Սիրտ չկար խօսելու: Եւ ի՞նչ խօսել բոլոր խօսքերն արդէն ասած էին: Նրանց սպրումները արտայայտեց՝ Յ. Քաջագնոնին: Յուզած, մազերը ցրել՝ բարձրացաւ ամբիոն ու կարգաց. «Պարոնայք, Սէյմի անդամներ: Դաշնակցութեան Փրակցիան՝ դիտակցելով շատ պարզ այն մեծ պատասխանատուութիւնը, որ առնում է իր վրա այս պատմական վայրկեանին, միանում է ինքնուրոյն Անդրկովկասեան պետութեան յայտարարութեան»:

Եւ ուրիշ ոչինչ: Եւ այս մի քանի խօսքերը անհամեմատ աւելի տպաւորիչ էին, քան միւս պատգամաւորների երկարապատում հետտորական մարզանքները:

Վիճարանութիւնից յետոյ Սէյմը ընդունեց Օնիաչվիլիի առաջարկած հետեւեալ բանաձեւը. «Անդրկովկասեան Սէյմը որոշեց՝ յայտարարել Անդրկովկասը ռամկավար դաշնակցական հանրապետութիւն»:

Ապա Չխենկելին, հաշտարար պատւիրակութեան կողմից, գեկուցեց Տրապիզոնի բանակցութիւնների վերջին շրջանի իրադարձութիւնները: Այդ գեկուցման մէջ առանձնապէս հետաքրքրական էր մի կէտ, որ շատ ընտրոշ էր, առհասարակ, բոլոր վրացի գործիչների համար: Ստեղծվ պատերազմական անյաջողութիւնների մասին՝ նա նկատեց, որ «Անդրկովկասեան պետութիւնը, իրրեւ մէկ միաւոր, չէր կարող դուրս դալ գէնքի ուժով պաշտպանելու Անդրկովկասը»: Սօսքը մահմետականների բռնած թշնամական դիրքի մասին էր: Ու շտապեց աւելացնել: «Պատճառները, թէ ինչու մահմետականները չէին կարող համաձայնել պատերազմելու Թիւրքիայի դէմ, կան ու կային բոլորովին առարկայական կերպով. նոյնը կարելի է ասել և քրիստոնէայ ժողովուրդների մասին, որոնք նման պարագաներում չէին պատերազմի Ռուսաստանի դէմ: Հիմքերը միեւնոյնն են: Եթէ այժմ խօսքը մահմետականների մասին է, նշանակում է ուրիշ ելք չկար նրանց համար»:

Սուլթանապարութիւնը մահմետականների առջեւ ակներև էր: Չխենկելին շատ լաւ գիտէր, որ մահմետականները Կովկասում, ոչ թէ չէին կուում Թիւրքերի դէմ, այլ դաւաճանում Անդրկովկասի միութեան, փորում էին նրա հիմքերը: Բայց... կովկասեան մահմետականների տեսակարար կշիռը օրէցօր բարձրանում էր, նրանք բարեկամ էին Թիւրքերին — և Չխենկելիները քծնում ու սիրաշահում էին: